

曼谷

九谷

亭

集

谷

復仇亭集卷二十七

壽陽祁寓藻叔穎

古今體詩五十三首

辛丑至甲辰

辛丑九月奉

命入直軍機處紀

恩述志

海國再出師島夷仍搆患羽書日旁午

命將清瀛寰

臣

以司農卿忝陪樞密班驟兼繁要職適值

時事艱拜

恩辭不獲感悚心難安去年使閩越默察邊釁端不惟塞漏卮要在懲貪官煙土流毒久濫觴由海關蠹吏飽其私

竊賈緣爲姦鯨鱷橫睥睨談笑生波瀾

朝議計久遠約法三章頒令必先貴近意在蘇痼瘵夷情  
亦悔懼王道兼猛寬審幾賴明決出險毋盤桓誰貽  
宵旰憂屢致勞師干書生抱蠹測時論如決湍仰資  
乾斷力庶以止流九襄贊正需才賦詩慙伐檀

孚井詩

并序

徐惺菴少司空

士芬

直園屋後有井曰孚因製竹筍

爲恒升車仿區田之法試之有驗季秋賓酒邀同孫

符卿學士

瑞珍

杜芝農少司農

受田

賈筠堂少司空

積張篠浦庶子

芾

何根雲贊善

桂清

觀刈稻賦詩紀

事

歲攝提格月爲壯司空約客開南堂池荷岸柳映疏翠入  
坐忽聞秔稻香梧酒未行且散步籬花含雨明斜陽屋東  
有井吾舊居螯石不改流則長攀榦下視引修竹狀若枯  
棹能低昂游魚銜鉤虹飲澗激水過潁盈其吭碧瀾寸寸  
瀉寒玉一綫曲折穿重牆可憐門右數弓地昔爲瓦礫今  
分秧世間何物可弃置人力旣盡天必償試看纍纍飽潁  
粟居然活活資瀕防周官稻人稼下地澤草所生其種芒  
漑易之間穀五種土宜豈必惟荆揚畿輔水利有成法先  
疇世服思賢王怡賢親王玉泉彌望在咫尺萬頃一色秋雲黃  
東南轉漕事孔亟江海風濤安有常郊原沃衍似豐鎬滌  
流北去空湯湯老農輟畊隴上歎旱潦兩困誰爲禳司空

憂國計久遠讜論造邾人未詳偶因退食試餘技坐見嘉  
蔬紛滿場區田那事陳根拔抱甕久已機心忘同思寒泉  
翳深樹茅經拚覆鼃跳梁一從汲引脫泥滓流甘灑潤占  
豐穰酒酣卻憶十年事舊巢未埽仍同鵲銀瓶在眉綆在  
手搜粟無計充神倉石闌髣髴見題字顧名攷義心慙惶  
歲辛卯奉慈輿來都並得井之上爰已而蒙 恩重直惟  
南齋並 詔許就養園廬爰名此井曰孚以紀榮遇  
公有孚井勿幕作歌吾欲歸畊桑

農政全書水利篇有龍尾車玉衡車恒升車三器道光

八年潯陽羅石帆

仲玉

補注刻於皋蘭

附記

達齋尙書以帖菊花冊屬題

滿堂秋色不可畫妙手攝入空明界非真非幻出天工何

事春風弄狡獪金臺十丈塵土紅悠然坐我東籬東延年  
駐景有仙骨得氣不與羣芳同畫屏窈窕闌干曲扇影團  
團帖寒玉傲霜本性謝鉛華修月前身認金粟蕭疏幾幅  
帶煙霞布葉安枝整復斜留與韓公馨晚節卻教陶令憶  
山家

題王翰城

繼賢

蘆雁圖

衡嶽望不極瀟湘秋水多感君離別意憶我宦游過是處  
鷗堪狎何時海不波五谿一回首浩蕩隔漁歌

題潘芝軒夫子仙瀛雅集圖次蘇齋韵

玉堂仙侶瀛洲圖二十三人風骨殊青雲舊雨一回首妙  
繪重爲西園摹憶昔

臨軒歲癸丑儲英慎選清班俱公時年少冠羣雅豈以前  
後論王盧圖成廿載望逾重清景電掣如追逋蘭陔歸去  
更瀟灑勝會或儕石與吳孫堂藹人兩前輩神仙忠孝有真境科  
名官職徒虛車當時同館共筆研

三朝兩見沙隄除照齋先生官至協揆惟公耆宿秉鈞軸舉世風度

瞻瑤琚依然朝退坐松石想見三篋胸中書五十年前典

型在開卷溯我生之初春官弟子髮半白公獨浩氣澄太

湖後庚先甲赤奮若又見雛鳳棲高梧喬藻生於乾隆癸丑嘉慶甲戌廷

試公爲讀卷官道光辛丑忝佐禮闈公子星齋以是科館選兩世文緣信非偶結交砥

行心冰壺公頃爲書聯語云砥行碧山石結交青松枝更聞金帶兆圖畫吳趨

花瑞天下無西涯故事不足羨爲公題句思歐蘇

翰城出牧山右以畫障留別題句送之

松能堅人心竹能厲人節蘭不因人芳梅不因人熱王生  
爲我寫數紙其意懃懃可知矣謂我迂疏涉世深得毋俛  
仰隨時靡金臺落日春風多姚黃魏紫紛綺羅不能著色  
作嫵媚如此孤植可奈何王生來自離騷國香草樛枝夢  
猶憶塞上風沙逐馬蹄宦游蹤跡無南北我昨題君蘆雁  
圖離心浩蕩滿江湖留將雪壁霜豪在肝肺槎枒未肯枯

紀夢

緊余違怙恃茫茫涉宦海遠者三十年近亦將十載日艾  
服官政鬚髮忽已改滄溟穴蛟蜃玉帛走矛鏹萬端憂憤  
積力薄氣益倍中夜視星斗傍徨若有待胡爲頻入夢顧



山谷先生集卷二十一  
影衣著采笑語雜涕泗瀕洞不可匿

國威尙未復臣辱奚逃羣將毋忝所生履險且及殆白雲  
翳松楸茅屋渺何在海波儻許填銜石終不悔

陳淮生內兄蘭第金門宦隱圖

吾廬宜住嬾眠菴太乙眞乘不繫舟

吾廬宜住嬾眠菴遠客常攜載酒觚石土

外舅夫子太乙舟楫帖也

曾共山翁醉籬菊卽今宦海數沙鷗榻因好

客仍時下雲本無心爲我留

君初官農曹以余迴避比部

試問囊琴孰

延企北窗可許坐清秋

### 感事

鷺門山作指揮臺又見甌江畫本開儒將風流空自負海  
邦烽火總堪哀據鞍健飯身將隱抗疏論功志未灰跋浪

鯨魚誰手掣夢中或有濟川才

次和同直何根雲夏日遣懷卽簡張篠浦

銀灣當左界

君居舊額銀漢左界程春海前輩篆書

仙館闢深幽花樹因人

靜軒窗得水秋詩成心獨往朝退客仍留何意塵囂外相

望郭李舟

鶴汀司空出示朝鮮申緯詩翰一冊筆墨嫺雅稱覃

溪先生爲翁文達蓋彼國私謚耳題二截句歸之

司空

名賽尙阿曾

出使朝鮮

蘇齋私謚議偏公傳播鷄林賈舶東詩派定誰論主客辨

香聞已配坡翁

權家遺集手曾披追述檀君事特奇

高麗權秀才集載檀君開國與堯同時

何似申公稱世隱一門三絕畫書詩

附紫霞詩并記語

撫古應難神似矣端於筆未到時求論詩化後空無訣  
覓劍從來陋鏤舟小藝一門關性命此中世隱當林邱  
終同過眼煙雲滅重幣何人遞篋收

人有賣董華亭書畫合璧帖者余爲臨書兒子命準命  
衍摹畫而還其原本仍題一詩紫霞申緯

癸卯歲七月旣望移居雙橋精舍杜芝農同年過訪  
賦詩見贈次荅之首

燕壘經重睇雞窗得麀栖但求林麓近不礙屋檐低歲晚  
觀收穫圖成待品題空慙少陵句歸院柳邊迷

河流方浩浩星使尙栖栖仰屋才無補吟詩氣轉低寺鍾

秋易警橋柱老難題祇恐支離叟雲深笑客迷

今年春自澄懷園移

居孔修侍郎別業頃復移此君詩有詩爲憶松題之洵蓋謂余新作憶松圖以寄鄉思也

次韵贈王萊友孝廉

詩四首

何緣博采得通人坎壈名場自在身漢學希微尋草莽奎  
文錯落識星辰長安客久仍彈鋏後進才多等積薪十載  
相知吾恨晚片雲敢擬逐龍鱗

尾焦根爛力能禁古調難逢爨後琴伯玉行年臻化境子  
雲異代有知心中懷耿耿元精貫共語醴醴道味深猶爲  
憂時見顏色蘭陵感慨賦蠶箴

孰是聞知孰見知小徐而後歎中衰

聖朝稽古功誠鉅學士甄微志不疲窮老箸書關世運行  
藏隨分付時宜一官波長千秋在龜卜何煩問偶奇

析疑爲我證羣書咀嚼菁華弃土苴夢覺雲雷動科斗笑

看楊柳貫魴魚

君頃與何子貞爲余撰祁大夫字黃羊通說又與張石州釋號季子白盤銘見示

經合稱無雙品載筆空慙第七車但許從君問奇字雄文  
奚必慕相如

藁友爲安邱巨族選鄉甯令精通六書著有說文解字  
釋例二十卷說文句讀三十卷與肅甯苗氏夔同以研  
究許書見傳苗專心聲韻藁友博大精深辭尙體要余  
藏段氏手校集韻副本曾爲校勘多所糾正馬首農言  
余里居時所輯亦爲辨證數十條癸卯歲八月十日淳

甫記

題芝軒夫子蘭陔潔養圖

夫子萬民望躬承累世德文章與經濟悉自性情得此圖  
有真樂奉養居里閭蘭馨循陔南蕙草念堂北湖嵌瀟碧  
間松柳蒼翠色擁坐顏渥丹侍立頭尙黑孫枝拂桐芭森  
然鳳聯翼維時歲彊梧朝野正豐殖

宮中奏雲門四海安畊織司農政閒暇退而修子職百寮  
歎且羨賦詩美紉緘喜氣動吳會髭髮爭欲識孝哉無閒  
言懇款出胷臆人生重大節致身必竭力不能已於親而  
況施於國賤子忝負牆趨步時自飭請歸復陳情再三荷  
恩敕終媿歛雅笙不遑藝黍稷

歸省逾年侍母來都壬辰

秋請歸養復蒙

特旨賞假

比年侍樞垣晨夕陪儼直河海事方殷蒼

黎待休息度支之心計石畫亦孔亟仰窺篤棐忱內充匪  
外飾惟忠本純孝密勿資輔翊白華兼朱萼當時所手植  
卽今蔚成林粲粲蔭槐棘緬懷古大臣出處天下式披圖  
壽星見斟酌化望南極

### 禁中楓樹

東堂堂後丹楓樹三見清霜送素秋溫室不言長耿耿寒  
花相對故悠悠登高久負重陽節歸沐頻叨五日休

頃奉  
旨

五日入直  
五日留署

忽憶吳江舊詩句斷林斜日在扁舟

題卓海帆前輩壬戌翰林同年行樂卷子六首

曾記書名在

御屏翰林搗藻近

天庭畫圖傳與人間看華蓋前頭十五星

圖凡十五人

霜臺作記數交游

芝齡總憲

宗伯題詩憶唱酬

季思宗伯

五老翩翩

返初服

退旃鼎甫芷鄰棣華蘭友五先生

三山歷歷峙瀛洲

碧落青雲幸有緣懷新感舊惜華年延津寶應師門在回

首風儀各惘然

鏡汀先生余鄉試座師詠齋先生庶常師也

氣吞雲夢一髯翁畫戟清尊笑語同運甓陶公

雲汀先生

今往

矣風濤莽莽大江東

惟公弱冠掇巍科手秉鈞衡髮未皤不獨文章輝館閣江

聲月色壯岷峨

昔聞立馬嶽雲開又見荷舟聽雨來

公嘗以二圖屬題

試取三圖



證懷抱丹青可許狀靈臺

題毘陵呂氏所藏古甄文字拓本並簡苗先路

堯仙編修

任孫從其尊人官浙東時搜羅所得凡四冊

河間苗君

夢

老嗜古獨寶獻王君子甄曩歲南游索題句

歎其實身元光前耆老人

李先生兆洛

顧而笑比之廉墓甄

孰先

廉頗墓甄申耆先生官壽州時所得

苗君失色恨未見倚坐傲睨賴兩

顧是時毘陵雪三尺舉酒屬客江連天高樓夜深棲鳥動

似有炬火明沙壩豈知此冊發光怪四明適有歸來船心

疑夢想忽到眼雙橋古寺秋鎧妍京華塵土留不得門外

驪駒催著鞭古甄文字二百五拂几一過如雲煙阮跋劉

記具梗槩其餘作者窮彫鐫儀徵劬論有至理吳

荷屋詞婉

約包

慎伯

則堅攷古不妨互同異搜奇想見精誠專海波不

揚郡齋靜運璧有暇趨庭賢以金石壽求自壽李丈斯語  
無閒然宣南客館感蕭索苗君鍵戶今三年手把一編訂  
繙篆漢軀唐瓦私自憐君如有意與之角開緘發篋尙慎  
旃毋令流汗走且顛

聞三兄鄉試中式感喜交集賦寄四首

九月十一日

潦倒六旬叟名場十八科羞爲長袖舞甘作短檠歌牢落  
同儕少飛騰後輩多紛紛來好語驚喜涕滂沱

兄自嘉慶甲子北闈

秋試迄今癸卯科四十年矣

千里團團月開緘有所思遙知聞捷日正是憶親時諼草  
看何在荊花發故遲殷勤報兩弟霜鬢各相期

爛漫陪華宴婆娑揖衆仙青袍仍作客絳縣或疑年大吏

虛前席同宗待後賢

高平宗姪之鏐同榜

含飴應更慰庭竹碧雙鮮

八月八日

況得次孫

篋有焚餘草琴仍爨後桐已堪娛歲晚不敢恨途窮老燕  
營新壘寒花戀故叢何時對牀雨懷抱得相同

歌莫哀一章贈田雅鄰

頌年

五弟

歲昭陽單闕冬十月爲陽天寒木葉脫田君來自鄉八年  
始一面悲喜熱中腸經旬復告別毋乃太匆忙對酒不能  
飲聽我歌慨慷憶與君季舅弱冠同里庠季公年差長視  
余猶雁行我我當塗師相士無留良目爲晉垂棘聲價一  
日揚聯翩擢科第先後升玉堂

南齋清切地簪筆雙翱翔緬思鄉先輩陳

澤州文貞公延敬孫與

文定公嘉淦

屹相望遭逢亦何幸接踵仍褰裳季公性清介不

與時低昂揮豪冠詞垣特達誠圭璋三遷京兆尹前績踰

趙張胡爲身化蝶一夢追蒙莊維時余憂居傳語疑未詳

駕言適仇猶峻阪紆以長慟哭車輪摧歸臥十日僵念君

篤孝弟黽勉力不遑嗷嗷四十口逋負逼痛創孰爲問家

室孰爲營殯喪孰爲焚券質孰爲指囷倉南飛有鴛鴦從

之以鶯鶯孤鴻鳴何哀羽翼不得將抱硯走千里葛帔衝

雪霜永懷杖杜篇叢叢行獨傷京華感聚散鬢髮各已蒼

宿我城南屋步我園西廊錄我案頭詩緘以古錦囊云是

吾師集中有懷友章一讀再三歎溼衣淚滂滂

勤敏公憲齋集有哭

京兆詩六首并序

問君歸何急君言適大梁側聞河再決攀茭事

宣防青氈雖冷官畚缶庶可襄田蘇有舊游西河知子方

況值魏文侯憑式名久彰

梁心芳中丞京兆同年亟稱君孝友又留京兆子蔚徐讀書署

中君歸必有遇此志行見償嗟余涉宦海四顧天茫茫豈

不遇順風剝木非巨航往者策蹇約久要安敢忘

二十年前與京

兆有騎驢歸田之約

常恐松柏心或負梓與桑別離不足惜惜此鐙

燭光爲君歌莫哀一醉桑十觴

秋晚同人集雙橋精舍徐惺菴賦詩見貺次韵補和

冬至後

一日

連山走波濤樓閣隱蒼翠西出

暢春園奔放有餘地萬畦劃寒影孤寺結幽契快如鳥脫

籠淡若食忘味人心各有託山色了不異訪客偶過此喜  
其遠塵翳遂借禪榻栖更邀仙侶憩誰謂吾廬靜溪橋夜  
深沸明月光直入戶闌不能闕遙指西崦閒桃源隔人世  
負鹽時一出軒冕勢難致仰攀煙蹤絕默坐霞想恣相傳  
深處有小桃源時有負鹽人出藍布裹頭嘉慶十九年澄  
煦齋先生官步軍統領曾令番子蹤跡之卒無徑得入懷舊雨來  
縈紙新詩寄風林已埽葉東雀猶喧砌它時看  
積雪魯酒仍可醉

追題陳雪香夫子贄書圖爲子鶴副憲孚恩作

憶公持使節賤子年未冠稍知誦五經未敢望游泮登堂  
瞻眉宇列坐就几案文場甫涉獵投卷日未旰蛟螭雜螻  
蚓出語多汗漫公獨首領之髣髴見微榮招覆移置前詩

句叨獎贊殷勤詢家世慰勉數嗟歎

嘉慶丁卯科試寓藻入學第五名賦待漏

院詩蒙師獎勵

維時汾水漲城市走流汗公與諸生約條教不敢

玩至今手著書諷讀萬口徧高門忝知遇大匠施厲鍛師資出一家重以嘉姻眷迴思太乙舟侍坐每及晏文字信

有緣瓣香奉羔鴈

甲戌會試出石士夫子門下遂訂婚姻

流光歲月邁哲嗣

聲名擅移華照雲路綵服承家燕

去年子鶴迎太夫人京寓奉養

門生拜

軒輿退食檢書卷此圖有微意士以禮相見執經與執雉其義本一貫豈獨懷耿介庶幾謝鄙嘯古之宏濟才大抵

守書傳始基苟不慎若農失其畔師門恩誼厚學道媿牆

面忽忽四十載壯心銷仕宦寄園公所寄流風在江甸

江陰

學使署西寄園師所名也

曾尋杖履迹仍喜詩詞燦翠石紀前躅青箱

啟後彥作詩志景行俛仰增感羨

錢心壺前輩

儀吉

屬張詩舫爲其尊甫雲巖先生作

補石亭圖寄題

雲巖先生名福胙號初堂乾隆庚戌編修官至翰林侍讀學士嘉慶己未

典學閩中補石亭記蓋補朱笥河先生亭石也

沈松

心齋先生朱補竹君

已多年更喜雲巖接笥仙

笥仙朱石名雲巖錢

石九曜仍留顛米字一峯肯逐鬱林船從容作記懷前躅

棖觸成圖屬後賢應與崑崙王宰蹟人間雙本各流傳

嘉慶丙子歲汪雨園先生屬太倉王茂才應綬寫三百

三十有三十亭圖藏閩學使署中道光初年失去歲庚

子徐松龕觀察得之福州市上復歸吳崧甫學使余時

奉使閩中三憩斯亭流連題句并爲記其顛末此圖亦



庚子歲作與王畫歸壁同時心壺前輩遠寄屬題兩圖  
竝得寓目附名其後亦翰墨奇緣也

并記

題鶴汀司空洗甲圖

昨君示我圖謂我識君意披圖欲點筆累月不敢試懸之  
素壁間感歎縈夢寐頻年海氛惡甌越厭兵事砰訇雷電  
門颯忽鯨鯢肆長江不能限蜃市何所暨君以樞密臣持  
節膺閫寄列營析木津遙扼斗牛次渤海振軍聲明堂協  
公議維時徵調急塞馬騰萬騎朔方健兒來東都勁旅至  
君乃精所選使之如指臂程李有兼長廉藺無交避投醪  
匪市惠桀石豈爲戲庶幾甘苦共不慮倉皇棄古之大將  
才思患常有備歸來裘帶整閒閱圖書祕

禁園肅周衛凜若軍中治卽此示禮信非徒爛擊刺  
朝廷嘉乃績冠綬錫孔翠百寮動顏色君則感且媿此圖  
何爲作危坐有深思挽弓當挽強射鳥必射驚終當洗甲  
兵壯士毋弃實堂堂七尺軀落落四方志艱難出亮節盤  
錯別利器繫余辱知交相勗在道義麟閣與雲臺功成名  
自致丹青信不渝斯言他日記

郝夢山同年移居雙橋敝廬喜作

稻隴蒲灣信步游夕陽山色赴谿流卻看蟹火知歸路深  
柳橋邊別有秋

舊雨重來對莫雲鄉心日日滿橫汾縱談三十年前事老  
衲無言總不聞

中秋雙橋對月四首

積雨蕭疏斷層陰豁達開夜深山影出風定水光來老圃  
驚黃蝶閒庭見綠苔遙知滄海上蜃市靜樓臺

斯地鄰空谷幽蘭誰爲芳瓦盆高出箭紗幔細留香倚檻  
看無寐披襟喜未涼便思就籬菊乘興作重陽

徐步出門去稻田流水中物情憐歲晚人語識年豐芟舍  
淹留熟蓑衣坐臥同老農意良厚對影惜杯空

我有歲寒友十年相見稀宦游同作客談笑總忘機此夕  
停琴望何時帶月歸柴門虛不掩烏鵲自南飛

時夢山以  
事入城

送程玉樵同年

德潤

出都卽題其浮槎圖後

浮槎有客同奉使綰羽南飛七千里越王臺上俯秋潮黃

浦樓船落眼底當時意氣各慷慨我年甫壯君強仕文章  
聲價滿京國詩句流傳動江汜五羊城南艤歸櫂龍燭銜  
華照蜃市鬱攸謔出馮蠡怒客夢離奇雜悲喜三十年來  
幾聚散宦情鄉思紛難紀聚如梁燕動經年散作沙鷗狎  
流水隴雲關月渺何在一笑翩然對窗几來時柳絮撲行  
旌看盡菊花吟未已深巷沈沈宵燭闌舊交落落晨星峙  
攜肴把盞趁閑暇送客留賓無彼此酒酣拔劍爲君歌歌  
聲似逐離愁起武功太白天遠近劍閣蠶叢更西指巴江  
三峽連荆門楚竹萬竿接桑梓知君遠道念春暉歸計何  
曾戀妻子方今河海漸無事蕩蕩夷庚任所止卜居不煩  
詹尹龜相憶或寄琴高鯉眼中之人紛老矣布韞青鞵從

此始儻令碧海掣鯨魚更上金臺跨驂駟

玉樵今年夏初自蘭州來都下榻敝廬其二子廷杓廷  
棨應秋試訖將之官蜀中玉樵則條然有高尙之志矣  
回憶壬午同使粵東衡文校士忽忽二十餘年今玉樵  
得遂初服而余仍涉宦海歸期渺然感舊述懷以志別  
緒時甲辰歲冬十月望日也

并記

端友少司農以所藏成哲親王手書詩扇見贈賦謝  
二首卽次詒晉齋韵

潌盡寒潭白林疏遠岫青人如將去燕案有未乾螢每辱  
煙霞句兼忘主客形何緣揮六角更許乞黃庭

發篋驚光彩行吟繞岸汀分明纖月落悵望片雲停秋意

託豪素淡交逢眼青不須寒谷變披拂久心銘

十一月四日自園還城呈同舍諸君子二首

雙橋小住又經年野色谿聲似有緣新塔已成僧去後舊  
巢未埽燕歸先往來月露光陰急出入風塵境地偏猶喜  
故人能念我青鐙相對話依然

夢山先一日還城

斜街老屋孰爲鄰井冽泉甘意倍親東海到今誇戚里

居城

下斜街四眼井舊題曰戚里東海

西山隨我入城闔退朝且喜寒窗共送

客無端別緒新

玉樵將出都

惜取圍鑪好時節天涯還待欲歸

人

六弟粵西使人旋當在月杪

靜濤少宰以奉使朝鮮詩記見示題贈二首

特簡官寮貴

向例散秩大臣正使副都統副使此次正使

特簡侍郎維藩禮數崇東

邦重文物少宰擅儒風蹟溯檀君舊囊看陸賈空朝鮮餽

御之請益堅歸奏

聞存禮部還其使臣雞林珍片紙何止碧紗籠

五千金

海上三春月天邊兩使星

用集

中句都將離別意付與短長亭

去日鳴波綠歸來榆葉青

箕子教民樹榆食葉見朝鮮

皇

華誰繼詠一卷抵圖經

頃松岑少司空充冊使二月中啟節

游龍杖歌次韵呈湯敦甫先生

先生自序云游龍夢也霜降後擇其老者

製為杖質堅而輕甚適於用惜世無知之者歌以紀之

憶昔從公直園廬澄懷暇日山水娛石橋雲隴宅數區嘉

樹灌叢花紛敷芙蕖冒池朝霞朱老魚跳波驚野鳬隰有

游龍不計株揜依橋松與扶蘇公時招客值茶餘色香味

與龍園殊四坐把琰心躊躇徵經攷錄辨鄂跼得毋靈草

仙人鋤公指庭柏清陰扶其葉可飲腸不枯

先生園居嘗以側柏葉爲

茶作詩同直

窠尊亦足慰猗玗取材奚必同一塗爾時游

龍奮髯鬚似惜直節淪荒蕪夢中九老降太虛自言千歲見子都神清體健工步趨公拜迎送及階除九老謂公何太劬鏗然揖別覺而吁三年解組百事無園鶴易退豈不如平生習苦甘蓼荼此杖況與青藜俱然以照書萬卷鋪握手舊識呼友于昔也若遺今則儲偶出城南亦所須公笑謂杖能從吾吾爲若歌壽以圖

茶陵陳岱雲編修

源充

以其配易安人墓志銘屬題

爲紀其事

昔年曾讀唐家孝女銘割臂愈母疾化作梅花神亭亭

詳見



鏡海太常

孝女銘

太常有女能死母於今又見太史婦太史婦易

安人相夫子隕厥身焚香籲天天馨聞但願臂枯代夫病

不願人間歎奇行人間天上雨不知何爲神傷作諫詞或

曰苟奉情潘安仁擬之太史殊不倫太史胷臆吾能云臣

死忠子死孝情之所極靡不到古來且有生死交程嬰杵

臼左伯桃糟糠之義亦如此行美動神傳女史衡湘山水

清且奇吾昔采風繫所思今於唐家女陳氏婦兩躋之

### 夢山將還絳州詩以送之

先朝制舉幾人存君尙栖栖滯國門

乾隆嘉慶間舉人今惟濱州

召試

告侍郎石樵杜公與君二人而已

滿腹紛綸元自負素心寥落與誰論客

來偶顧虹橋影春去仍留燕壘痕不用問年疑絳老青瑣

好待課兒孫

干 爲澎湖蔡香祖進士 廷蘭 題滄溟出險圖

蔡侯羈落人談笑狎海水生長臺澎間往來平如砥偶遭

颶母妒爲施陽侯技經旬犯重險逾歲濱十死問君何所

屈云古越裳氏 君於丙申歲十月自廈門歸澎湖遭風漂至越南由陸路歸

聖朝書同文南交慕冠履往時唐船至 越南以中國人爲唐人船爲唐船

殊少衿帶士未暇受銅槃 客船初至以銅槃爲禮 急命載輶子 卽肩輿

通言 傳語人 共咋舌驚定還屈指居民間客來擁觀溢庸市

幫長聞客來 閩粵人流寓各設幫長 引歸話鄉里省堂 省城大吏 聞客來

遣吏迎倒屣殷勤致米錢款洽具筆紙乾坤一腐儒出入

魚腹裏有母隔重洋慟哭門閭倚上書報國王乞早返桑

梓不願駕飛鵲不願跨赤鯉但使北陸遵差勝南風俟鬼  
門雖云阻生還庶可企感激動大寮奔走勞胥史王曰士  
純孝趣爲治行李官帖一朝下客病霍然起灑淚辭異域  
天涯有知己戔戔富春城王都民所止城頭列亭障城下  
朦朧穢觀其所施設武備未爲弛是日歲除夕桃符換紅  
紫孤鐙涕雨零爆竹聲滿耳蕭條萬里路關隘南北峙經  
過伏波祠銅柱屹未圯馬流今幾戶春草生薏苡徵二女徵  
貳彼何人江邊亦廟祀黎氏故宮在東京風物美豈無勾  
漏海丹砂不可恃蠻觸習門爭蟲沙餘壁壘置郡與分封  
古今非一軌諒山山名界華戎石洞探奇詭不敢望家山關  
門幸伊邇回思鷺島外風趁一帆駛鄉樹雲可辨離筵酒

初醺豈知破冢出歸客自交趾遭迴涉兩粵忽如磨旋螳

登堂再拜母不忍說悲喜遠游恐未眞夢境參差似曩余

未見君已誦行程紀君有海南雜著三卷閩海正揚波星槎適奉使

艱危士之節忠信神所祉春明展良覲藹然接窗几爲我

寫素扇環瀛測曷理以疊摺扇爲測海表平生憂患心畫手不能擬

方今雲路關金臺騁駉駉君才信有濟願與究終始香祖爲余

弟幼章甲辰分校所得士

漫叟亭集卷二十八

壽陽祁寯藻叔穎

古今體詩八十三首

乙巳丙午

春燕

春燕莫相猜飛飛卻又回故巢猶自在今雨爲誰來花憶  
經年別風驚昨夜催銜泥須遠去紫陌有塵埃

荒園

行過紅橋東復東荒園古木夕陽中不知第宅誰爲主想  
見笙歌樂未終一水環山餘稻隴萬金輦石委松風樓居  
祇有仙人好未敢淹留桂樹叢

題但雲湖同年

明倫

雪舟籌海圖

海上焚輪任往還長江猶幸扼重關如何秔稻雲帆路便  
作金銀鼓吹山天險未聞諸將守興圖空說大瀛環繞朝  
贈策分明在莫謂無人見一斑

兵家主客勢難同水陸從來異守攻魑魅亦曾懾雷電貔  
貅翻欲避沙蟲若遭譚戚人思奮安見孫盧技不窮共道

君才堪辦賊繡衣威望在河東

謂曩歲  
趙城事

梁蔭林前輩

章鉅

所藏曹秋厓

岳

吳文中

彬

姜綺季

廷幹

諸老畫書小冊精妙可翫公子敬叔孝廉

恭辰

屬題

倪黃妙品今難得細字蠅頭亦擅能付與退菴老居士較  
量手眼對青鐙

歷下閩中題未了傳觀又復到燕臺秋匡畫作於燕臺邸舍幽窗偶  
展塵心盡況有西山暮雨來

送許蓮西長庚之官河南卽次前歲見贈韵

絲蔓清流出澗谿一枝新許鳳鸞栖行旒瀟灑官仍冷詩  
筆縱橫氣肯低此去苔岑應共憶重來橋柱尙留題片雲  
舒卷渾閒事松菊分明徑不迷

再送蓮西

鱸堂歸養奉晨羞薦剡何心繫去留早歲高文傾上艾他  
時異政見中牟經傳夙擅無雙譽治行終期第一流同學  
少年今白首贈言從古重交游

六月九日雨中還雙橋二首

連朝城郭雨濛濛一笑西山翠埽空門外稻田三百頃鷺鷥閒立晚煙中

記取新涼入伏天今年何幸又豐年澄懷舊雨多清暇相約柴門聽暮蟬

直廬槐樹

如意門東夾道槐沈沈山影點深苔白頭內翰簪豪地親

見園丁手植來

南書房舊直廬在禁園東如意門外乾隆年間翰林入直之所嘉慶初復於

勤政殿東垣

賜屋三楹地逾清切而舊直廬亦不廢道光初年每奉命校勘書畫輒留連累日迄今退直餘暇

亦時憩此有宮監守之

喜晴

六月二十一日

三日濯枝雨曉來新放晴水雲低遠樹山翠近重城孰協



爲霖夢吾殷望歲情稻花紛滿眼朝退卽柴荆

苦雨 七月朔夜

伏雨闌風攪不休谿橋無地納奔流豫愁積潦占三白九宮  
三白落地便恐淫霖送一秋官路馬嘶泥滑滑僧寮蟲語  
夜悠悠思量何事挑燈盡坐聽鷄人報曉籌

聽秋軒晚坐二首

古柏亭亭引夕涼幽蘭落落抱孤芳秋花底事工盤結才  
出籬梢又過牆

園鶴雛雛久不鳴林蟬得意變新聲邇來又共秋蟲語那  
怪吟詩白髮生

讀唐四家詩

王孟詩名孰最優  
可憐疑碧管絃秋  
左司自有神仙氣  
未便蘇州例柳州

退之山石句嶙峋  
杜老秋風筆有神  
萬古江河流不盡  
鯨魚手掣更何人

雨中曉出

四野穹廬蓋雙橋  
轍迹稀祇愁泥沒  
髀安得瓦爲衣  
稻隴連谿澗柴門失釣磯  
水天空濶處晨色轉熹微

退直爲積水所阻假寓鶴汀司農園齋

積潦橫前路回車款近扉  
不因公退晚且喜客來稀  
寂寞元相憶差池且代飛

時鶴汀與余五日入直五日留署

梁間雙燕子似識

主人歸

落落陳蕃榻蕭蕭仲蔚居久諳花下徑新讀案頭書仰屋  
情同切營巢計獨疏君來應撫掌看竹問何如

立秋前一日還城留贈鶴汀

城南湫隘總欣然桑下淹留亦有緣葛幔仍懸虛白室紗  
衣恰稱蔚藍天

內廷故事六月服黃葛紗七月換藍紗

柳將秋色隨人去山

放晴客待客還十沐五休君記否光陰真箇似梭穿

螢火

丹鳥名徒竊青燐聚若狂如何生腐草祇是解宵行風雨  
秋多晦簾櫳坐正涼微明難自照還欲傍書囊

秋晴

七月十三日

不爲愁霖雨何緣重晚晴踐苔知水落倚樹覺雲行杭稻

香初發蜩蟬氣漸平吾廬高枕在應許見秋成

鋤經草堂歌三章

并序

鋤經草堂者我三兄漁莊先生讀書處也兄少羸弱先大夫太夫人不忍督責之而兄爲學益力研求經訓發爲文詩不苟趨時尙堂曰鋤經蓋紀實也歲在乙巳五月七日丁卯爲我兄六十周甲之辰先是禮闈報罷弟姪輩請留過夏稱觴爲樂兄以授學縣山不欲曠業又厭都城人事紛擾於是買車而旋瀕行爲詩二章示別兩弟有六十年來客猶吟下第詩之句蓋自嘉慶甲子鄉試以來困頓名場幾四十年迨道光癸卯之歲始舉於鄉次年計偕入都又以宿藻

入闈分校迴避至是科乃應會試也寯藻少兄七歲宿藻少十五歲先後忝甲科入詞館而兄獨屢試屢躋一第之艱若陟峻阪十上九息顧氣不少挫老而益壯耳目聰明齒髮步履如中年人一男兩孫大者教以讀書小者分甘剖果以娛目前一室之中舉案齊眉有伯鸞德曜之風而無居廡賃舂之苦以視世之役役名利進無所止而退無所歸者其得失相較何如也方今

壽寓宏開

覃恩渥被寯藻將請以所得階級

封典貤於我兄以慰生平窮經之志以彰

山谷正集卷二十一  
朝廷錫類之榮而宿藻適蒙

特簡出守黃州

國恩家慶駢集一時此豈非人生難得之遭哉詩曰  
常棣之華鄂不韡韡又曰秩秩斯干幽幽南山古來  
兄弟和樂式好形爲歌詠卽其山川宮室樹木亦有  
餘情焉兄其可以開草堂燕親戚賓客飲酒一笑爲  
樂矣舊藻奉職京國馳心里閭爰爲鋤經草堂之歌  
三章用埒詩人頌禱之義俾宿藻書之其詞曰

朝鋤經兮壽水之湄莫鋤經兮乃縣山之陲夫豈不憚勞  
兮樂此不疲清流環吾廬兮洞渦會之縣之上有田兮道  
阻且歧孰趣事而罔穫兮孰坐而治薺麥之秀兮蘭之猗

猗君胡爲兮倭遲

朝鋤經兮日出之光莫鋤經兮秉燭而夜行夫豈不知老  
將至兮樂且不遑風雨瀟瀟其如晦兮星月爛而生明晝  
何苦短兮夜何其長苟不改乎此度兮何用不臧君胡爲  
兮旁皇

曰經而可鋤兮何種苗而得莠曰經而不可鋤兮何朝墮  
而夕糗服田力穡而不逢年兮夫豈蓐蓑之咎使兒生帶  
經以終老兮亦何傷乎素守矧賢書之晚達兮

綸綍輝其組綬先疇縣縣兮恐不終畝兄耕於前兮弟鋤  
於後草堂之婉孌兮嘉木紛糾可以說經兮可以會友隔  
千里而致辭兮曰君子之眉壽君胡爲不醉兮酌以大斗

卷之二  
七月十六日六弟宿藻奉

旨擢守黃州感

恩述志卽以贈別二首

玉署回翔歲七周

臨軒特被

主恩優

翰林例由京察外遷道府去年

特旨召對先後

仁並宿藻凡六

人蓋異數也

文章經濟誰兼擅撫字催科要並籌此去

聲名徵素守古來形勝數黃州

朝廷破格求才意清夜焚香未易酬

承歡無復侍庭帷每遇遷除益感恩有弟正強而仕日阿  
兄將老未衰時一麾作郡難爲別幾載聯牀更賦詩送子



清風滿江漢  
曷哉治行在初基

中秋日退直還城

晝刻傳呼散  
直回月湖南  
畔有輕雷  
今年秋熱渾如夏荷  
葉殘時花又開

蕎麥作花穀穗黃  
村農閑坐話時光  
馬頭一樣團團月  
令我低頭憶故鄉

四眼井東有染人居  
之門前隙地數畝  
萬綠平鋪鮮妍如畫  
曉過得句

蔚藍天色映平沙  
滴翠山光帶曉霞  
行過酒帘東畔路  
綠波春水有人家

秋分後一日聞蟬

震雷已收聲嗟汝不知止秋風滿天地孤樹欲何倚豈不感時節瘖啞素所恥老鶴警宵露鷄鳴晦不已亦欲效區區懷抱誰爲理

六弟兄有日矣吾鄉諸君子移尊觀齋拳拳相餞卽席賦謝二首并屬吾弟和之

惜別芳尊展舊歡忘形莫作主賓看鄉音爛漫家山近宦意蕭疏歲月寬已覺深堂聞蟋蟀不知上閣侶鵷鸞黃州太守如相憶赤壁新詩好寄觀

秋來笑口若爲開河海安恬歲事諧四坐歌聲出金石一時離緒滿朋儕登高況近茱萸節送遠能無常棣懷記取對牀風雨處雪堂應合借蘇齋

驟涼

窗紗昨夜北風涼  
盆菊初移欲綻黃  
公退閉門無客到  
買魚沽酒卽重陽

古玉佩竹筆格皆先君子所遺也感賦二首

古玉蟠龍佩摩挲手澤遺  
遙思垂帶日甫及弄璋時  
纈密盟心久清芬比德宜  
不才仍碌碌恐負白圭詩

筆格長盈尺溫如玉色殷桃花  
深刻字竹淚黯藏斑曾佐修青史  
還隨訪故山書齋親付與直節  
媿蒼顏

九月朔日送六弟出都兼示五姪世佶

丈夫離別不揮淚握手今朝獨黯  
然杜老何由轉華髮坡公亦復惜  
流年書生憂

國慙余拙長吏親民賴汝賢弦望安知非日月一回相見  
一回圓

少陵句汝伯何由髮轉漆東坡句不悲去國悲流年

蕭齋

蕭齋風雨過重陽獨抱秋心向夕涼明月不知弦上下青  
山疑與屋低昂詩無雜感僧同定夢有餘閒夜漸長欲問  
農家真樂處麥苗出隴稻登場

何雨人大司馬名其園齋曰寄舫屬爲書額並題二

截句

陸居非屋水非船宦味鄉心各渺然一笑此身何所寄栖  
霞山色大江邊

公退清閒足散懷看花況有好朋儕雙橋寺畔聽秋客要

醉先生畫舫齋

題金焦二山圖

金山山外寺焦山寺外山山外寺何麗寺外山何閒金焦  
兩山景孰勝千古詩品坡翁定長髯玉帶仙人流山僧何  
爲苦攀留炬火夜飛鬼神怪明日輕帆向東挂東山何有  
有修竹竹裏嵐光看不足兩三僧豈解留人便欲抽簪臥  
深綠有田不歸志未堅無田亦退真決然至今讀詩識翁  
意幽賞乃在嶽外弦瘞鶴銘古鼎篆神物何曾分晦顯君  
不見樓臺照海蜃市來蜂窠萬石成篙眼茅菴佳處誰爲  
留苔蘚

十月十日陳夫人以疾卒於京寓將以十一月塋移

匱長椿寺感懷追悼得詩八首

嗽卮頻年已不支，尙云不藥得中醫。  
糟糠久歷神先瘁，鍼石紛投悔亦遲。  
小愈病加何太劇，大還丹熟竟無期。  
傷心執手躊躇夜，卽是生離死別時。  
前夕余自園歸視丑刻赴於卯刻逝矣

露電流光廿七年，回頭事事總堪憐。  
嫁衣典盡書仍買，官鼓聽多夜不眠。  
載石浮槎思遠道，牽蘿補屋倚寒天。  
伯鸞廬下能偕老，十萬營齋亦惘然。

城南湫隘枳籬荒，衰病扶持慰北堂。  
三載不聞衣解帶，六親相見涕霑裳。  
閒居未遂安仁願，感物偏同騎省傷。  
白首望雲惟有夢，夜臺翻得拜姑嫜。  
今年夏秋間慈親頻夜見夢曾與夫人言之歎歎泣

下豈知乃  
先兆耶

太邱家學女儀端荆布相從耐歲寒老去論心惟子共愁

來得句與誰看伯宗內誠言猶在冀缺歸耕意已闌懷舊

更增知已感西州門外涕洟瀾

外舅石土宗伯  
爲余會試房師

骨肉中年隱慟餘邇來懷抱幾曾舒眼枯未盡思親淚腸

斷空留寄妹書閒倚鏡奩頻悵望悶將棋局斲消除樂安

姨女伶俜甚衣綫辛勤爲早儲

乙未秋宗伯病甚夫人自  
壽陽疾驅入都一見握手

而逝蓋夫人爲宗伯最愛女也去年宗伯夫人及夫人  
同母妹先後卽世妹遺一女夫人爲撫養極憐愛之

青鐙強半課兒時每望成名惜別離忍使熒熒負衰經眞

教軋軋斷機絲百方莫挽歸何決萬喚無言慟自知胡不

少留三日耳手裁錦綵付孫枝

夫人歿後二日孫女生名  
之曰思飴繼綵諸物皆夫

人病前  
手製

病臂支離似偃松經旬在假涉初冬自憐月闕過三五敢  
謂天高達

九重

內廷諸臣期喪例  
蒙賞假十四日

朝士紛紛來慰藉家書懇懇念

衰慵不須錦瑟華年恨猶有哀詞說女宗

何子貞輓聯云  
孝於姑敬其夫

危病聞自艱勤積宗伯女司農婦至行能令貴盛忌張  
石州亦有戚黨同聲傳孝婦中閨感涕失良朋之句

拂簾垂簾何處尋庭柯賸有對栖禽倉黃送子千行淚清

白知余一片心帷燭乍移人悄悄鑪香猶炷夜沈沈霜鐘

只隔街西寺撥盡寒灰是苦吟

芝軒夫子以新春瓶菊詩屬和次韵

籬落風回徑雪殘膽瓶移插不知寒花能獻歲迎春帖

立春



日樞臣暨一南齋翰  
林例進春帖子詞

酒亦延齡佐夕餐晚節孤芳天護惜

新詩一出世傳看柴桑秋色何須羨溫樹前頭有露盤

正月四日自雙橋移居冰嶠與鶴汀鄰

自我別直園三歲三移居潭潭淀東宅人少屋則餘信美  
非所據西去託僧廬僧廬意頗愜山水清且虛灑然如舊  
雨晨夕欣相於去年秋潦盛谿漲盈門閭徘徊中道阻欲  
濟仍回車同寮許借榻笑我姑徐徐君性慕幽僻胡不歸  
耕鋤混迹朝野中得免辱沮洳屋南有數椽可願卜鄰與  
再拜良友言呼僮先掃除經營季冬月莫居及春初肩我  
盆中花挈我案頭書嚶鳴出幽谷心迹兩不疏小人樂近  
市君子意何如但媿雙橋僧款門致谿魚

上元前夕過長椿寺有感

明月不可掇端憂已十旬更無魂入夢祇覺老傷神爛漫  
街燈上蕭騷鏡雪新驅車出西郭不是爲尋春

以董香光書金剛經塔搨本施長椿寺爲三明長老  
說法

繩牀經卷亦無庸祇合雲堂老衲供差似香山游別社不  
關松雪禮中峯細書欲結莊嚴塔清夢偏回斷續鐘更擬  
相從文字外儻容一指證天龍

次韵題松岑少司農國子監敬思堂補植丁香花圖  
二首

儒雅風流三百年愛才心事後人憐鐫題尙記載花處培

植真如樹木然槐舍乍移經夜雨藤陰交覆帶春煙尋常  
池館垂垂發一傍龍門謝繫騫

回首春風坐七年圓橋魚藻亦相憐先生一笑花如此勝  
事千秋地使然石鼓奇文證楊柳蘭亭陳迹續雲煙新詩  
已貴鷄林紙底用安榴更問騫

君去年從朝鮮使還

國學東廂舊有丁香一株明嘉靖二十一年司成龍石  
許公賦詩寄興張水南王前峯諸公和韵鐫石傳爲掌  
故 國朝康熙五十七年司業昆明謝公補栽數本與  
司成花西坡李南屏登宣之諸公並賦古詩以繼前修  
道光二十二年松岑司成復補植紫白二株賦詩追和  
前韵並屬翁玉泉

孝濬

圖以紀之許公初植歲在壬寅

四月相距三百年歲月適符亦奇緣也

并記

丙午二月十五日長兒奉其母陳夫人柩歸窆詩以

示之

繫汝生長沙歲在乙酉夏余方科試旋官齋有餘暇侍汝  
祖母膳清風來暑夜呱呱聞兒啼慈顏喜且訝因名汝以  
地望汝如禾稼名曰世長紀地也字曰子禾取禾易長畝之義汝兄弟凡四其三  
華早謝住京熹惟汝獨孑然汝母聊慰藉抱持不離懷嬉

戲不出舍稍長就傳讀如駒常受靶二十一年來曾未違  
膝下奈何竟舍汝一旦怛然化孫雛不及見姨女不待嫁  
使汝靡所依令我淚如瀉一棺寄蕭寺歲月倏過蜡今將  
卜首邱里社近桑柘汝奉靈輶行戴星方夙駕吾豈不念

汝窀穸事無假大孝在守身毀瘠禮之亞永念鞠育恩陟  
步毋陵跨吾衰汝亦念送汝及庭樹歸期慎勿淹千里春  
風迓

得長兒獲鹿書

念汝初離別銜憂賦邁征春暉憶慈母遠道賴諸兄閭甥與四姪同行拉雜家人語艱難地主情寄書聊一慰默坐數歸程

佳日

佳日日重三春光取次探祇愁風似虎誰道月宜蠶宿麥  
將抽穎流膏待作甘青旗楊柳色早晚映征驂時有扈從易州及

南苑之行

盆中碧桃初開

本是唐花種經年發故枝橐駝非爾力姑射有仙姿溫室  
春生早幽窗日上遲先開易搖落應悔太逢時  
滿樹風偏疾回舟路轉迷莫嫌盆盎小猶幸屋檐低海上  
誰曾種人間自有蹊三千年結實物理本難齊

秋瀾道中

寸寸碧瀾色斜陽千萬堆房山真面目豁達向人開已驗  
陳根拔何時好雨來車輪似流水隱隱動春雷

三月十八日感懷

頃得家書  
於是在日安厝

朱實春將晚清明幾日過花憐經歲別山憶故鄉多黯黯  
分鸞鏡明明對鳳河平生意飛動將老轉婆娑

紀夢

殘夜屋梁月照人顏色寒未曾解離別何暇述悲歡形影  
疑相弔衣裳念我單亦知同夢幻其柰獨醒難

鶴歎

紅橋東畔有鸞鶴者頻日  
不售用東坡詩韵紀之

西山白雲不可呼翩然乃落紅橋隅世無逋仙孰知余乘  
軒來往胡爲乎雙雙鍛翮幸不孤不敢愛名敢愛軀外若  
不足中有餘不舞不鳴誰爲娛觀者倦矣鸞者須千金買  
骨今有無鳳皇于飛羣鳥趨嗟爾進退當何如

### 新葺屋西舫齋

輦路彎環似水流西山擁髻出牆頭移將馬廐三弓地換  
得漁家一葉舟種竹栽花商位置吟詩寫字許句留眼中  
突兀何曾見已有回翔燕雀游

聞長兒將旋都

四月三日

慙別成遙憶將歸卻黯然門閭吾獨倚衣線爾誰憐夜雨  
辭鄉樹春雲隔墓田夢中機杼淚還落短燈前

夏初祝蘅畦大宗伯七十生日同年既以聯句爲壽  
復成二律

六典春官地位清夔龍強健世昇平

至尊含笑謔年歲高第登科記姓名與宴已分金筴賜趨  
朝還聽玉珂鳴壽星合向天邊見煥爛

奎章照眼明

御賜額書  
日資敬延祺

敬典宣勤賴贊襄世人但見說詩匡近聞五老新圖出

南城

諸公爲五  
老之會

誰識千秋寶鑑光笑我同年年最少羨公生日



日偏長便將七十從頭數黃閣方開歲舉觴

自題憶松圖

常州吳俊寫照

不到方山又十年碧夫容外翠連天茅菴爲我留佳處祇在東峰夕照邊

猶記山僧送客時洞雲飛雨下龍池白頭定有歸來日更補蒼苔壁上詩

古琴歎

冉冉兮孤桐乃在高山之陽流水之陰製爲七絃之素琴軫以文玉徽以金其聲清激愁人心一彈絃一折再彈絃再絕不恨知音難但恨長離別江流湛湛兮山蒼蒼蛟龍窟穴兮虎豹藏林木樛立兮半死半生羈禽離獸兮踣躪

而哀鳴君胡爲兮獨處古無人蹤兮余將誰語錦囊兮塵  
土淚斑斑兮如雨使枯桐不絃而成聲兮海水可填兮天  
可補

客來

小院栽花不見花客來惆悵碧窗紗人間富貴花如海往  
看姚家與魏家

感河南直隸二案時久不雨

四月十九日

新鄉民愚可憐納糧爭價毆及官阜平民窮可惜供炭責  
連斃於役銀價日昂錢日賤以錢準銀民不便民不便可  
奈何官不便求益苛江南漕政弊已極其勢駸駸逮河北  
錢糧猶以公濟私官炭胡爲民給之炭價不足炭斃死何

沉納糧死徵比新鄉官爾毋謂民頑他邑催科已早完阜  
平官爾亦思民苦獸炭之威猛於虎卜式憤言亦可取烹  
宏羊天乃雨

四月二十三日喜雨

冬雪春膏土未滋顛風仍挾夏雲馳龍潭應

禱纔逾日

上親禱  
黑龍潭

鳩語催耕尙及時呼吸真能通

帝座暑寒得不念民咨司農無計籌盈絀惟祝年豐荅

聖慈

退直

退直蕭然一室清攤書仍是老諸生飢蜂掠紙悠揚去乳

鴿窺簾自在行塵外客來傾白墮

趙伯厚張石州過宿園齋

山人爲

致黃精

榆次胡晉三孟康書來示讀近作兼寄藥物

卻慙吟興隨時減賀雨連

朝句未成

次韵荅張石州

穆初名濂見贈

不作凌雲賦偏聞下里歌故交真落落高論尙峩峩老覺  
鄉心重詩憐壯歲多莫辭今夕醉離索意云何

都下人家盆植枇杷有結實者鶴舫相國分致一枚  
因憶江陰使署後堂西窗下一株高出檐際曾以晚  
翠名齋至今額書猶懸吾廬也感而賦之

南國生嘉樹清陰得小齋曾看花冒雪不道橘踰淮晚翠  
今猶憶孤芳孰與偕瓦盆許分致珍重核先懷

杭稻來江國一首

杭稻來江國滄溟達漢津中邦需正賦上策屬何人金幣  
鮫宮溢樓臺蜃市新曾聞太倉粟紅朽積陳陳

雨中退直述懷

兩年居雙橋彌勒龕同寄戀其山水佳且喜塵囂避南望  
稻千畦西來滿蒼翠祇苦迫塗淖雨後行不易昨秋谿漲  
盛朝退阻歸騎鬱鬱難久居需泥乃自致高蹈既未能置  
身宜擇地移居近凌室夏日無炎熾門前白石路蕩蕩任  
所暨車馬聲雖喧幸免坑谷墜夜來雨如箭了不驚夢寐  
同思畫隴國夷險道斯異乃知天下事無患必有備

瑒瑒

瑒瑒崑岡玉它山石可攻尋常持抵鵠一旦氣如虹感遇

成荆璞忘機得楚弓廉隅元自具翻惜未磨礱

喜大姪世弇至都卽送還上黨

十載一相見蕭然鬢鬢蒼冷官疑作客遠道抵還鄉歲月

駒過隙兒童雁逐行別離無暇說悲喜各霑裳

時姪爲長子縣訓導

請假同里省親迂道來都憶丙申一別不見十年矣

問訊平安社田園幸未蕪衰親應念汝穉子可思吾

蘭孫今年

十五歲宦久身將老朝回跡轉孤何時相伴住更寫聽松圖